

**BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJE BOSNE I HERCEGOVINE
Broj: 05/3-19-289/09
Sarajevo, 05.08.2009. godine**

Na osnovu člana 11.,12., a u vezi sa članom 13. Zakona o Komisiji za vrijednosne papire („Službene novine Federacije BiH“, broj 39/98, 36/99 i 33/04), člana 10., 15. st.1., 22. st.2., 87., 100., 101., 106. i 108. Zakona o investicijskim fondovima („Službene novine Federacije BiH“ broj 85/08), člana 36. Zakona o tržištu vrijednosnih papira („Službene novine Federacije BiH“ broj 85/08), kao i člana 2. Pravilnika o uslovima poslovanja društva za upravljanje („Službene novine Federacije BiH“, broj 18/09), rješavajući po zahtjevu „ILIRIKA DZU“ Društva za upravljanje investicijskim fondovima d.o.o. Sarajevo, u predmetu izdavanja dozvole za upravljanje Otvorenim investicijskim fondom “ILIRIKA JUGOISTOČNA EVROPA”, Komisija za vrijednosne papire Federacije Bosne i Hercegovine, na 250. sjednici, održanoj dana 05.08.2009. godine, donosi

R J E Š E N J E

1. IZDAJE SE DOZVOLA ZA UPRAVLJANJE OTVORENIM INVESTICIJSKIM FONDOM “ILIRIKA JUGOISTOČNA EVROPA”, „ILIRIKA DZU“ Društvu za upravljanje investicijskim fondovima d.o.o. Sarajevo (u daljem tekstu Društvo), sa sjedištem u Sarajevu, Aščiluk br. 1., koje zastupa ovlašteno lice Nedim Šaćiragić iz Sarajeva, Ivana Gorana Kovačića br. 8.

2. Na osnovu ovog Rješenja, po službenoj dužnosti, izvršiće se upis dozvole za upravljanje Otvorenim investicijskim fondom “ILIRIKA JUGOISTOČNA EVROPA”, „ILIRIKA DZU“ Društvu za upravljanje investicijskim fondovima d.o.o. Sarajevo u Registar kod Komisije za vrijednosne papire Federacije Bosne i Hercegovine.

3. Društvo iz tačke 1. ovog Rješenja obavezno je pribaviti prethodno odobrenje Komisije za svaku promjenu činjenica i podataka navedenih u zahtjevu, ugovoru, statutu, prospektu i ostaloj dokumentaciji na osnovu koje je ovo Rješenje doneseno.

4. Odobrava se prospekt i statut Otvorenog investicijskog fonda “ILIRIKA JUGOISTOČNA EVROPA”, i prije štampanja i objavljivanja prospekta, statuta i Javnog poziva za upis i uplatu udjela Otvorenog investicijskog fonda “ILIRIKA JUGOISTOČNA EVROPA”, Društvo je dužno dostaviti Komisiji za vrijednosne papire originalni primjerak prečišćenog teksta prospekta, statuta i Javnog poziva za upis i uplatu udjela Otvorenog investicijskog fonda “ILIRIKA JUGOISTOČNA EVROPA”.

5. Ovo Rješenje je konačno i objaviće se u “Službenim novinama Federacije BiH”.

O b r a z l o ž e n j e

„ILIRIKA DZU“ Društvo za upravljanje investicijskim fondovima d.o.o. Sarajevo, podnijelo je dana 14.07.2009. godine Komisiji za vrijednosne papire

Federacije BiH zahtjev za izdavanje dozvole za upravljanje Otvorenim investicijskim fondom "ILIRIKA JUGOISTOČNA EVROPA" (dana 28.07.2009. godine Društvo je dostavilo dopunu zahtjeva sa pratećom dokumentacijom).

Uz zahtjev Društvo je priložilo sljedeću dokumentaciju:

- Rješenja o upisu u registar emitenata kod Komisije br. 03/2-19-213/08 od 24.04.2008. godine;
- Rješenja o upisu u registar emitenata kod Komisije povećanja kapitala br. 05/3-19-284/09 od 22.07.2009. godine;
- Prijavu za registraciju u sudski registar br. 065-O-Reg-09-002000;
- Izmjene i dopune Statuta Društva od 03.07.2009. godine;
- Izjavu uprave o ispunjavanju uvjeta propisanih Pravilnikom o uvjetima poslovanja društva za upravljanje, br. 1525/09 od 28.07.2009. godine;
- Ugovor sa Registrom vrijednosnih papira u Federaciji Bosne i Hercegovine br. 04-2-UF-4316/08 od 20.05.2008. godine;
- Ugovor sa bankom depozitarom fonda od 07.07.2009. godine;
- Prospekt Otvorenog investicijskog fonda "ILIRIKA JUGOISTOČNA EVROPA" od 28.07.2009. godine;
- Statut Otvorenog investicijskog fonda "ILIRIKA JUGOISTOČNA EVROPA" od 28.07.2009. godine;
- Odluke uprave i nadzornog odbora o uspostavljanju Otvorenog investicijskog fonda "ILIRIKA JUGOISTOČNA EVROPA";
- Obrazac – zahtjev za kupovinu udjela Otvorenog investicijskog fonda "ILIRIKA JUGOISTOČNA EVROPA";
- Obrazac – zahtjev za otkup udjela Otvorenog investicijskog fonda "ILIRIKA JUGOISTOČNA EVROPA";
- Javni poziv za upis i uplatu udjela Otvorenog investicijskog fonda "ILIRIKA JUGOISTOČNA EVROPA";
- Obrazac – zahtjev za promjenu podataka;
- Obrazac – zahtjev za obavljanje dodatnih usluga";
- Obrazac – dnevni izvještaj za fond;
- Kopija uplatnice o izvršenoj uplati naknade Komisiji.

S obzirom da su navedena akta sačinjena u skladu sa gore navedenim odredbama zakona, Komisija je donijela odluku kao u dispozitivu ovog rješenja.

Pouka o pravnom lijeku:

Ovo rješenje je konačno u upravnom postupku i protiv njega nije dopuštena žalba, ali se može pokrenuti upravni spor. Upravni spor se pokreće tužbom kod Kantonalnog suda u Sarajevu u roku od 30 dana od dana prijema ovog rješenja.



Predsjednik
Komisije za vrijednosne papire
Federacije Bosne i Hercegovine

mr Hasan Čelam